

МАЊАВИЙ ТАХДИДЛАРГА ҚАРШИ КУРАШДА ОИЛА ИЖТИМОИЙ ОМИЛ СИФАТИДАГИ РОЛИ

Бахридин Асрорович Муқимов

“Тошкент ирригация ва қишлоқ хўжалигини механизациялаш
муҳандислари институти” миллий тадқиқот университети ўқитувчиси

АННОТАЦИЯ

Жамиятнинг мањавий соғлом ва мустаҳкам пойдевори унинг барқарор тараққиётига замин яратиши шубҳасиз. Лекин афсуски бугунги кунда ана шундай мустаҳкам пойдевор яратишимиизга тўсиқ бўлувчи омиллар ҳам борки, уни ҳеч бир нарса билан тўсиб бўлмайди. Ана шундай хавфли омиллардан бири глобаллашув ва унинг оқибатида юзага келадиган мањавий таҳдидлардир. Жамиятда рўй бераётган глобаллашув жараёнлари, глобаллашувнинг мафкурага ва мањавиятга таъсири масалалари мазкур мақолада илмий-назарий таҳлил этилган. Шунингдек мақолада оиланинг – мафкуравий тарбияни шакллантиришдаги муҳим ижтимоий институт эканлиги ёритилган.

Калит сўз: глобаллашув, ёшлар, таълим, тарбия, оила, мањавият, қадрият, таҳдид, милий ғоя, мафкуравий иммунитет, мањавий таҳдидлар, мафкуравий тарбия, баркамол инсон, умуминсоний қадрият.

КИРИШ

Глобаллашув жараёни ҳозирги дунёнинг муҳим хусусиятидир. У мураккаб ва зиддиятли, айни пайтда объектив жараён эканлиги билан характерланади ҳамда ижтимоий ҳаёт соҳалари билан боғлиқ. “Янги Ўзбекистонни ўз ҳаётидан рози, баҳтили инсонлар мамлакатига, ҳар томонлама ривожланган ижтимоий маконга айлантириш ушбу йўналишдаги ислоҳотларим изнинг асосий мақсадидир”[1]. Бу бир томондан, ижтимоий ҳаёт талаблари, глобал ютуқларга бўлган эҳтиёжи билан боғлиқ бўлса, иккинчи томондан глобаллашув турли ҳалқлар, миллатлар ижтимоий ҳаёт соҳаларига турли хил таъсир кўрсатмоқда.

АДАБИЁТЛАР ТАҲЛИЛИ ВА МЕТОДОЛОГИЯ

Жамиятда рўй бераётган глобаллашув жараёнлари, глобаллашувнинг мафкурага ва мањавиятга таъсири кўплаб сиёсатшунос, файласуф ва бошқа ижтимоий-гуманитар соҳа вакиллари, олимлар томонидан илмий-назарий таҳлил этилиб

келинаётганини тадқиқотимизни ўрганиш жараёнида гувоҳи бўлдик. Аввало айтиш жоизки, ушбу муаммо нафақат мамлакатимиз олимлари, балки халқаро миқёсда ҳам кенг ўрганилмоқда. Чунки муаммонинг илмий-назарий ечими дунё миқёсида миллатлар маданиятининг ранг-баранглигини, инсон ҳуқуқларини таъминлашда ва шунингдек ахлоқий муаммоларни бартараф этишда муҳим аҳамиятга эгадир. Жумладан “Глобалашув”, унинг моҳияти, глобаллашувни маънавий мафкуравий таъсири масалаларида Гринин Л.Е. А.Очилдиев, А.Эркаев, С.Отамуродов, Ш.Қаҳҳарова, Баҳодир Зокир, М.Куронов, А.Ғаниев, Ш.Пахрутдинов, И.Исламов, Ш.Рўзиев каби олим ва тадқиқотчиларнинг илмий ишларида муаммонинг турли хил жиҳатлари ўзига хос тарзда ўрганилганлиги аниқланди. Лекин шуни алоҳида таъкидлаш жоизки, биз ўрганишга киришган “Глобаллашув шароитида маънавий-ахлоқий таҳдидларга қарши курашда оиласинг ўзига хос хусусиятлари” яхлит тарзда фалсафий таҳлил этилганлигини ўрганилган тадқиқотларда кўзга ташланмади.

МУҲОКАМА ВА НАТИЖАЛАР

Бугунги кунда бутун дунё халқларини ташвишга солган тероризм, диний экстремизм ва бошқа глобал хавф-хатарлар орасида яна бир кўзга ташланмас хавф, ёт ғояларнинг миллатга ва миллийликка таҳди迪 ҳам пайдо бўлди, ўтмиши бақувват, илдизлари чукур, дунё ҳамжамиятида ўз ўрни ва мавқеига эга бўлган халқлар бу хавфнинг аянчли оқибатлар келтиришини дарҳол англаған ҳолда унга қарши тегишли чоралар кўрмоқда. Маънавий таҳдидларга қарши курашдаги асосий вазифа халқимизнинг онги ва қалбига миллий ғояни сингдириш орқали уларда мафкуравий иммунитетни ҳосил қилиш кераклиги ҳақида биз юқорида таъкидлаб ўтган эдик. Дарҳақиқат, бу вазифани амалга оширишда мафкуравий тарбиянинг ўрни катта. Мафкуравий тарбия эса жамиятда, аввалимбор, оила, мактабгача болалар муасссалари, мактаблар, лицей-колледжлар, олий ўқув юртлари, оммавий ахборот воситалари, жамоат ташкилотларининг биргаликдаги фаолиятини тақазо қиласиди. Шуни алоҳида таъкидлаш лозимки, мафкуравий тарбия таъсирида шакллантирилган мафкуравий иммунитет маънавий таҳдидларни олдини олишда ва ёшларни унинг таъсирида ҳимоя қилишда муҳим омил ҳисобланади. Айни вақтда маънавий таҳдидларга қарши курашда институционал асосда фаолиятни ташкил этиш самарали натижа бериши шубҳасизdir. Турли ижтимоий гуруҳлар, оила, маҳалла, миллий-маданий марказлар, сиёсий партиялар, жамоат бирлашмалари, халқнинг интеллектуал салоҳиятини юксалтиришга йўналтирилган таълим-тарбия

тизимининг қонуний ҳуқуқий асослари ва дастурлари; оммавий ахборот воситалари; умуман, жамият миллий ғоясини шакллантириш ва уни ҳалқ ишонч эътиқодига айлантиришнинг маънавий-маърифий комплекси асосида олиб бориладиган мафкуравий тарбия орқали маънавий таҳдидларни бартараф этишда самарали натижага эришиш мумкин. Бу омилларнинг ҳар бири маънавий таҳдидларни олдини олишда, миллий ғояни кенг жамоатчилик онгиға сингдиришда муҳим ўрин тутади.

2021 йилнинг 26 март куни Ўзбекистон Республикаси Президенти Шавкат Мирзиёев томонидан имзоланган “Маънавий-маърифий ишлар тизими” тубдан такомиллаштириш чора-тадбирлари тўғрисида”ги ПҚ – 5040-сон Қарорининг бош мақсади ҳам асосан ёт ғояларнинг олдини олишга қаратилган бўлиб, унинг миллий қадриятларимизни, урф-одатларимизни сақлаш ва ёшларимизни унинг таъсиридан аср-авайлашдаги аҳамияти бекиёсdir. Чунки янги аср бошиданоқ ёшларимиз онгиға бегона турмуш тарзини тарғиб этиш орқали уларни миллийлигидан ўзлигидан бегоналаштирадиган ахборот хуружларига, бизга мутлақо ёт бўлган аксилмафкуравий тарғиботга қарши курашни ташкил қилиш ҳаётий эҳтиёжимизга айланиб бормоқда.

“Демократия” шиори остида кириб келаётган ғояларнинг мағзига эътибор қаратадиган бўлсак, ҳатто ота-она ва фарзандлар ўргасида шаклланган ўзаро меҳр-оқибатни четга суреб қўювчи “Ота-онанг кексайса нима қилипти, шунга ҳам бош қотириб ўтирасанми, ана, қариялар уйи бор, олиб бориб қўй. Яшайверади-да, – қабилидаги бизнинг қадриятларимизга мос келмаган маслаҳатларни учраши, уларни демократия, эркинлик сифатида қайд этилиши миллий маънавиятимизни парокандаликка олиб келувчи маънавий таҳдидларнинг бир кўринишидир”[2]. Бизда азалдан ота-онани ҳурмат қилиш, улар кексайганда ҳолидан хабар олиш энг катта савоб иш сифатида қаралиб келинган. Ота ўтирган томнинг устига чиқиши гуноҳ билиш, ота-она кексайганда етти қават кўрпачага ўтқазиб сийлаш каби одатларимиз халқимиз орасида фарз деб қаралиши ҳам бежиз эмас. Чунки фарзандига ўзи еб ўтирган овқатини бериб, бундан қорни ҳам кўнгли ҳам тўладиган, оғир машақватларга дош бериб фарзандларининг эҳтиёжларини қондиришга ўзини фидо қилган ота-оналаримизни қанчалик ҳурматини жойига қўйсак ҳам камлик қиласди.

“Оммавий маданият”нинг заарли таъсири турли кўринишларда фуқароларимизнинг дунёқарашини эгаллашга интилмоқда. Бу ўзига хос монипуляция бўлиб, у дастлаб одамлар ўргасида меҳр-оқибат ришталарини узуб ташлайди. Кишиларни бир-

биридан узоқлаштиради, тўй-аза, яхши-ёмон кунлардаги одамларимизнинг елкадошлиги, бир-бирини қўллаб-куватлаши, ҳамжиҳатлик қилиши бизни ўз йўригига юрдиришга уринаётганларга ғайритабиий туюлади. Шунинг учун улар ғарбона демократияни ёшларимиз онгига глобал санъат, глобал маданият, глобал ҳаёт тарзида, жаҳонга кириб бориш йўли сифатида сингдиришга уринмоқда. Бунинг заминида эса бизнинг киномизни томоша қил, бизнинг роликларимизга қулоқ ос, бизнинг мусиқаларимизни эшит ва биздай яша, биз каби кийин, биздай ўйла ҳамда биз каби фикр қил, деган мақсадлар ётиши кўзга кўринмас, лекин миллатни ичидан емирувчи маънавий таҳдиддир.

Манипулятор ўз таъсирини бизнинг қадриятларимизни қадрсизлантириш ҳисобига эришишни мақсад қилган. Шунинг учун биз улар тиқишираётган “эркинлик” билан бизнинг анънавий эркинлигимизнинг, улар тасаввуридаги “хуқуқ” билан бизнинг ҳаётимизга сингдирилган хуқуқнинг катта фарқи борлигини англашимиз учун юқоридаги фаслларда таъкидлаганимиздек, мафкуравий иммунитетни шакллантиришимиз керак бўлади.

Мафкуравий, ғоявий ва информацион курашлар кучайиб бораётган ҳозирги мураккаб ва таҳликали даврда ёшларимиз ўртасида маънавий-маърифий ишларни замон талаблари асосида ташкил этиш орқали уларни турли мафкуравий хуружлардан ҳимоя қилиш, ҳаётга онгли муносабат билан ёндашишига эришиш, ён-атрофда юз берадиган воқеаларга дахлдорлик ҳиссини кучайтириш ва тинч-осойишта ҳаётимизга хавф туғдириши мумкин бўлган тажовузлардан ҳимоялашга институционал асосда фаолиятни такомиллаштириш зарурлиги йўлидаги энг самарали қадам дейиш мумкин.

Юқорида қайд этилган қарорда фуқароларимизда мафкуравий иммунитетни мустаҳкамлаш, маънавий таҳдидларга қарши курашнинг долзарблигини яна бир бор ифода этади. Ушбу Қарорда ватанимиз мустақиллигининг маънавий асосларини мустаҳкамлаш, миллий қадриятларимиз, анъана ва урф-одатларимизни асрраб-авайлаш, халқимиз, айниқса, ёш авлод қалби ва онгига она юрга мухаббат, истиқлолга садоқат туйгуларини чуқур сингдириш масалаларининг тобора долзарб аҳамият касб этаётганлиги учун бир қатор вазифаларни амалга ошириш зарурлиги кўрсатиб ўтилган.

Шуни алоҳида таъкидлаш лозимки, ушбу вазифани амалга оширища оила, маҳалла институтларини ролини кучайтириш мухим аҳамиятга эга. Сўнгти йилларда жаҳоннинг кўпгина мамлакатларида оила инқирозининг таҳликали кўриниши кўзга ташланмоқда. Ажралишлар, номукаммал оилалар, никоҳсиз туғилган

болалар, оиладан ташқарида яшовчи шахслар сони ва ҳоказолар тобора ортиб бормоқда. Фақат ўзини ўйлаш, худбинлик каби иллатлар оилаларни бузилиб кетишига таъсир кўрсатмоқда. Лекин Ўзбекистонда оила маънавий соғломлигининг мустаҳкам таянчи эканлитини намоён этмоқда. Бу биринчи навбатда, оиланинг анъянавий кучли мавқеи сақланганлиги, никоҳ ва оиласага умрбод иттифоқ сифатида қарашнинг мажбурийлиги билан изоҳланади. Дарҳақиқат, оила – инсоннинг муқаддас уйи, энг асосий тарбия масканидир. Оила – мафкуравий тарбияннинг энг муҳим ижтимоий омилларидан биридир. Оила ҳаётнинг абадийлигини, авлодларнинг давомийлигини таъминлайди ва урф-одатларимизни сақлайди, келажак авлоднинг қандай инсон бўлиб етишишини белгилайди. Миллий истиқлол ғоясини ҳалқимизнинг онги ва қалбига сингдириш орқали уларда маънавий, мафкуравий иммунитетни шакллантирас эканмиз, у аввало оиладан бошланади. Айнан боболар ўтити, отанинг шахсий ибрати, онанинг меҳри орқали миллий ғоя авлоддан-авлодга, инсондан-инсонга ўтади, онг ва шуурда муҳрланиб боради. Ҳар томонлама иқтисодий, маънавий-маърифий, маданий, ахлоқий, гоявий-тарбиявий жиҳатдан соғлом бўлган оила негизидаги жамият ва мамлакат мустаҳкам бўлади. Оиладаги соғлом муҳит – соғлом мафкурани шакллантириш манбаидир.

Ўзбекистон Республикаси Биринчи Президенти Ислом Каримовнинг “Юксак маънавият – енгилмас куч” асарида маънавий таҳдидларга қарши курашда, болаларнинг маънавиятини юксалтиришда оиласага алоҳида эътибор қаратилганлиги ҳам бежиз эмас. Жумладан, ҳар қайси миллатнинг ўзига хос маънавиятини шакллантириш ва юксалтиришда, ҳеч шубҳасиз, оиланинг ўрни ва таъсири бекиёслиги; Боланинг характерини, табиати ва дунёқарашини белгилайдиган маънавий мезон ва қарашлар – яхшилик ва эзгулик, олижаноблик ва меҳр-оқибат, ор-номус ва андиша каби муқаддас тушунчаларнинг пойдевори оила шароитида қарор топиши табиий эканлиги; оила муҳитида пайдо бўладиган ота-онага ҳурмат, уларнинг олдидағи умрбод қарздорлик бурчини чуқур англаш ҳар қайси инсонга хос бўлган одамийлик фазилатлари ва оилавий муносабатларнинг негизини, оиланинг маънавий оламини ташкил этиши ҳақидаги фикрлар баён этилган[2, 52]. Дарҳақиқат, инсоннинг энг соф ва покиза туйғулари, илк ҳаётий тушунча ва тасаввурлари биринчи галда оилада шаклланади. Ўзбек оиласида бола онгидаги соғлом ғоя ва билимлар шаклланиши жараёнида оиланинг катталари – боболар, момолар, яқин қариндош-уруғлар ҳам бевосита иштирок этади. Айтиш мумкинки бир оилада уч авлод бир

бўлиб яшашади. Уч авлоднинг ҳаётий тажрибаси бир қозонда қайнайди. Агар бир одам мисол учун 70 ёшга кирса, у ўзидан етмиш йил олдинги тажрибаларни ҳам катта-кичикдан эшитиб юриб ўзлаштириб олади. Ана шу тажрибаларни катталар кичикларга ўргатадилар, анъаналар силсиласи узилиш билмай давом этаверади. Азалий удумга биноан, бола тарбиясида ота-онадан ҳам кўра бобо бувиларнинг таъсири кучлироқ бўлади. Улар оиласидаги маънавий муҳитнинг бошқарувчилари ҳисобланади. Бундай тарбия анъанаси буюк аждодларимиз тақдирида муҳим ўрин тутган. Масалан, Амир Темурнинг неваралари тарбияси билан уларнинг оналари эмас, улуғ боболари – бувилари шуғулланган. Хусусан, Шохруҳ Мирзо, Мухаммад Султон Мирзо, Ҳалил Султон Мирзо, Улуғбек Мирзо сингари темурий шаҳзодалар Сароймулкихоним қўлида тарбия топган. Бир сўз билан айтганда ота-она ўз боласини ахлоқи ва хукуқий маданияти учун жамият олдида жавобгардир.

Давлат статистика қўмитасининг 2021 йил 1 январь ҳолатидаги маълумотларига қараганда Ўзбекистон Республикасида 8 871 412 та оила мавжуд. Ҳар бир оила ўзига хос олам. Унинг авлоддан-авлодга ўтиб келаётан анъаналари, расм-руслари, ахлоқий-маънавий қадриятлари бор. Зеро, оиласида шахс инсон сифатида шаклланади, яшашни, меҳнат қилишни ўрганади, ҳар томонлама баркамол, иймон-эътиқоди бутун инсонлар соғлом муҳитли оиласарда туғилиб вояга етадилар.

Маълумки, шарқ ҳалқлари фарзанд тарбиясига ўта масъулият билан қараб келганлар ва уларни вояга етишида ҳалқ анъаналарига қатъий риоя қилишган. Энг аввало меҳнат тарбиясига катта эътибор беришган. Оиласида ҳеч бир фарзанд меҳнатсиз қолмаган, ота-она ўз фарзандларига касб сирларидан сабоқ берганлар, натижада болаларда меҳнатга хурмат ва малака пайдо бўла бошлаган. Ота-она, қариндош-уруғ ва умуман инсонлар меҳнатини қадрлаш кўникмаси аввало, оиласида таркиб топган. Ёшлидан эл-юртга фойдаси тегадиган меҳнат фаолиятига йўналтириш ҳам мафкуравий аҳамиятга эгадир. Ота-оналар фарзандларининг мактабда, олий ўқув юртларида олаётган билимларига, касб танлаш маданияти, эҳтиёжи шаклланишига бефарқ қарашлари мумкин эмас. Болалар доим бирор фойдали иш билан банд бўлишини таъминлаш ҳам катта аҳамиятга эга. Бирор иш билан банд бўлишга ўрганган ёшлар меҳнатсевар бўладилар, уларда жуда ёшлигиданоқ маълум меҳнат малакалари шаклланади. Бўш вақтларида, улар ўзлари севган иш билан шуғулланишига ўрганиб қоладилар. Бундай болаларнинг жиноят қилишга ёки ножӯя ишлар билан шуғулланишига вақти ҳам бўлмайди.

Ота-оналар билиши, амал қилиши лозим бўлган яна бир муҳим масала фарзандларига бераётган тарбия давр руҳига, замон имконияти ва эҳтиёжларига, давлат белгилаган режалар тизимиға қай даражада мос келишини яхши тасаввур этишдир. Ота-онанинг кўзи олдида ширин фарзандлари билан бир қаторда, уларнинг жамият, миллат тараққиёти, давр эҳтиёжлари ва имконияти билан узвий боғланган келажаги ҳам турмоғи керак. Афсуски баъзи ота-оналар ўз фарзандларининг қизиқишиларига, унинг тафаккурида рўй бераётган ўзгаришларга аҳамият беравермайдилар. Шунингдек, оила отанинг ўзини тутишни билмаслиги, ахлоқ-одоб бобида фарзандига ўрнак бўлолмаслиги табиийки, фарзандларнинг маънавий оламининг шаклланишига салбий таъсир кўрсатади. Агарда, оиласда фисқу фасод, иғво муҳити ҳукмрон бўлса, ҳеч шубҳасиз фарзанд тарбиясига ўзининг носоғлом таъсирини кўрсатмай қолмайди. “Оилавий тарбия масаласида хатога йўл қўймаслик учун аввало ҳар қайси хонадондаги маънавий иқлимини ўзаро ҳурмат, ахлоқ-одоб, инсоний муносабатлар асосига қуриш айни муддао бўлур эди”[4].

Ота-оналар фарзанд тарбиясида асрлар давомида шаклланган анъаналарга, бу борадаги умуминсоний қадриятларга таянганида, давр руҳи ва эҳтиёжларини эътиборга олганида яхши натижаларга эришадилар. Бу ишнинг самараси қўпроқ тарбиянинг мақсади ва усусларига боғлиқ бўлади. Тарбиявий ишларнинг мазмуни, йўналиши, усуслари эса ўзгариб, янгиланиб, такомиллашиб туради. Бунга ҳар бир конкрет тарихий даврнинг сиёсий, иқтисодий, ижтимоий, маънавий, мафкуравий, эҳтиёжлари ҳам таъсир этади.

Шу боис ақлан етук, руҳан тетик ва соғлом, эркин ва танқидий фикрловчи, айни пайтда, ижтимоий масъулиятни тўғри хис этадиган, муайян касб-хунарни эгаллаган баркамол авлодни тарбиялаш Ўзбекистонда янги жамият барпо этишининг таркибий қисмига, асосий шарт-шароитига ва мақсадига айланди[3, 20].

ХУЛОСА

Хулоса қилиб айтганда, бугунги кунда ёшларнинг ахлоқий жиҳатдан камол топишида оиласдағи ўзаро ҳурмат, хушмуомалалик, меҳнатсеварлик, ватанпарварлик каби қадриятлар маънавий таҳдидларга қарши курашдаги муҳим омиллардан бири дейишимиз мумкин. “Оила соғлом экан – жамият мустаҳкам, жамият мустаҳкам экан – мамлакат барқарордир”[2, 58]. Дарҳақиқат, оиласда соғлом турмуш тарзининг қарор топиши оиласидан ижтимоий-иқтисодий

барқарорлиги, фаровонлигига эришиш, билимли, ақл-заковатли баркамол инсонни тарбиялашда муҳим роль ўйнайди. Бундай оиласалар ахлоқсизлик, эътиқодсизлик, ақидапарастлик, хоинлик, гиёҳвандлик каби иллатларни олдини олишга, уларни пайдо бўлишига йўл қўймасликка ўз ҳиссаларини қўшадилар.

Умуман олганда оиласада амалга ошириладиган тарбиянинг мазмунини фарзандларда ўз ота-онасидан, оиласи, аждодлари, туғилиб ўсган ўлкаси, ватани, миллати, халқи, тили, дини, анъаналаридан ғуурланиши ҳиссини уйғотишдан иборат. Буюк аждодларимизнинг бетакрор ва ноёб илмий-маънавий мероси биз учун доимий ҳаракатдаги ҳаётий дастурга айланиши керак. Бу ўлмас мерос ҳамиша ёнимизда бўлиб, бизга доимо куч-куват ва илҳом бағишлиши лозим. Бунинг учун олим ва мутахассисларимиз, хурматли уламоларимиз бу маънавий ҳазинани бугунги авлодларга содда ва тушунарли, жозибали шаклларда етказиб беришлари зарур.

REFERENCES

1. Мирзиёев Ш. Янги Ўзбекистон – тараққиёт стратегияси. – Тошкент: “Ўзбекистон”, 2022.
2. Каримов И. Юксак маънавият – енгилмас куч. – Тошкент: “Маънавият”, 2008. 52, 53-б.
3. Ўзбекистонда барпо этилаётган жамият. – Тошкент: «Ijod dunyosi» нашриёти, 2002. 20-б.
4. Қандов Б.М. Глобаллашув жараёнида инсон хуқуқларининг ижтимоий фалсафий таҳлили. Фалсафа фанлари бўйича фалсафа доктори (PhD)... дисс. автореферати. – Тошкент: 2020. – 47 б.
5. Отамуродов С. Глобаллашув ва миллат. Т., Янги аср авлоди, 2008
6. Қаҳҳарова Ш. Глобал маънавият –глобаллашувнинг ғоявий асоси. Т.: Тафаккур, 2009.
7. Kuyliev Tulkin (2022). Ensuring Regional Security is the Main Criterion of the Foreign Policy of Uzbekistan // European Journal of Life Safety and Stability. – pp. 93-97.
8. Kuyliev T. (2020) The role of national heritage and values in formation of self-consciousness. / Theoretical & Applied Science. – pp. 753-757.
9. Tulkin Kuyliev (2020) Духовное наследие как мировоззренческий фактор в развитии общества / Theoretical & Applied Science. – pp. 69-72.
10. Saparov B., Kuyliev T. (2020) Spiritual heritage as a worldview factor in the development of society / ISJ Theoretical & Applied Science, – pp. 69-72.